



CONCELLO DE LALÍN
www.lalin.gal

**CONVENIO DE COLABORACIÓN ENTRE O CONCELLO DE LALÍN
E A ASOCIACIÓN DE DANO CEREBRAL DE COMPOSTELA
(SARELA) PARA A POSTA EN MARCHA DUN PUNTO DE
INFORMACIÓN SOBRE O DANO CEREBRAL ADQUIRIDO**

Lalín, a 16 de setembro de 2021

REUNIDOS

Dunha parte, D. José Crespo Iglesias, Alcalde do Concello de Lalín, designado na sesión do Pleno da Corporación do 15 de xuño de 2019 na súa condición de alcalde de acordo co artigo 21 da Lei 7/1985, de 2 de abril, reguladora das bases do réxime local, en representación do Concello de Lalín.

E doutra D. José Balboa Ayán con DNI ***1448**, en calidade de Presidente da Asociación de Dano Cerebral de Compostela (SARELA) con CIF G15775604 e domicilio en Rúa Pedro Cabezas González, nº 3 – Santiago de Compostela, segundo o disposto no artigo 32 dos seus Estatutos.

EXPOÑEN

PRIMEIRO.-

O artigo 4.2 do Estatuto de autonomía de Galicia atribúelle aos poderes públicos de Galicia a promoción das condicións necesarias para que a liberdade e a igualdade dos individuos e dos grupos nos que se integran sexan reais e efectivas, removendo os obstáculos que impidan ou dificulten a súa plenitude.

SEGUNDO.-

A Convención das Nacións Unidas sobre os dereitos das persoas con discapacidade, do 13 de decembro de 2006, ratificada polo Estado español, establece o compromiso de promover, protexer e asegurar o pleno gozo dos dereitos humanos e liberdades fundamentais en condicións de igualdade por parte das persoas con discapacidade e de promover o respecto á súa dignidade inherente.

TERCEIRO.-

O marco competencial municipal, fundaméntase no artigo 25 da Lei 7/1985, de 2 de abril, Reguladora das Bases do Réxime Local, que tras e entrada en vigor da

Concello de Lalín

Praza de Galicia, 1, Lalín. 36500 Pontevedra. Tfno. 986787060. Fax: 986780638





Lei 27/2013, de 27 de decembro, de racionalización e sostibilidade da administración local, queda redactado como segue: “1.- O municipio, para a xestión dos seus intereses e no ámbito das súas competencias, pode promover actividades e prestar servizos públicos que contribúan a satisfacer as necesidades e aspiracións da comunidade veciñal nos termos previstos en este artigo.

2.- O municipio exercerá en todo caso competencias propias no termos da lexislación do Estado e das Comunidades, nas seguintes materias ; e) avaliación e información de situacións de necesidade social e atención inmediata a persoas en situación ou risco de exclusión social...”

Á súa vez o artigo 27 da LRBRL, segundo a redacción dada pola citada Lei, establece a posibilidade de que a Administración do Estado e as Comunidades Autónomas, poidan delegar entre outras a seguinte competencia: “c) Prestación de servizos sociais, promoción da igualdade de oportunidades e a prevención de violencia contra a muller.”

A Disposición Adicional Cuarta da Lei 5/2014, do 24 de maio, de medidas urxentes derivadas da entrada en vigor da Lei 27/2013, do 27 de decembro, de racionalización e sostibilidade da Administración Local, establece que “as competencias que debe asumir a Administración da Comunidade Autónoma de Galicia en materia de servizos sociais en cumprimento das disposicións da Lei 27/2013 continuarán sendo prestadas polos municipios mentres non se dean as condicións previstas para o seu traspaso na normativa básica e, en particular, o establecemento do novo sistema de financiamento autonómico e das facendas locais previsto nela”.



CUARTO.-

A Lei 13/2008, do 3 de decembro, de servizos sociais de Galicia, no seu artigo 3, establece como un dos obxectivos do Sistema galego de servizos sociais o de garantir a vida independente e a autonomía das persoas en situación de dependencia.

QUINTO.-

A Lei 13/2008 de servizos sociais de Galicia no seu artigo 60 dentro do título VII denominado “Da atribución de competencias” regula a competencia dos concellos en servizos sociais, establecendo no 60.1 apartado b) a competencia:

“a creación, a xestión, e o mantemento dos servizos sociais comunitarios específicos, sen prexuízo do establecido no artigo 59 i)”

Entendendo por funcións dos servizos sociais comunitarios específicos, entre outras, a realización de programas e actividades para previr a exclusión de grupos vulnerables de características homoxéneas e facilitar a súa inserción e





CONCELLO DE LALÍN
www.lalin.gal

normalización social.

SEXTO.-

De acordo co artigo 3.3.b) da Lei 5/2014, de 27 de maio, de medidas urxentes derivadas da entrada en vigor da Lei 27/2013 este convenio non se entende como exercicio dunha nova competencia posto que supón a continuidade de actividade de fomento xa establecida en exercicios anteriores .

SÉTIMO.-

A Asociación de Dano Cerebral de Compostela (SARELA) é unha entidade sen ánimo de lucro, declarada de utilidade pública, creada en decembro do ano 2000 por familiares e persoas con dano cerebral adquirido e que desenvolve a súa labor nos concellos que configuran a área sanitaria de Santiago de Compostela entre os que está o Concello de Lalín sendo unha entidade prestadora de servizos sociais recoñecida e inscrita no rexistro correspondente da Xunta de Galicia co número E-1438.

NOVENO.-

O Concello de Lalín ten competencias para subscribir o convenio coa entidade Asociación de Dano Cerebral de Compostela (SARELA) en virtude do artigo 47.2.c) da Lei 40/2015, do 1 de outubro do Réxime Xurídico do Sector Público.

DÉCIMO.-

O Concello de Lalín pode determinar as bases e criterios da política de integración social e laboral das persoas con discapacidade, promovendo a participación de todos os axentes sociais nas actuacións que se van realizar con dito colectivo.

Para a consecución destes obxectivos, o Concello de Lalín, buscará liñas de cooperación coas distintas entidades sociais que teñen entre as súas funcións estes mesmos fins e desenvolverá os programas necesarios para a execución dunha axeitada política de integración das persoas con discapacidade. No mesmo senso, o Concello de Lalín, a través da Concellería de Política Social, procurará a coordinación efectiva cos distintos sistemas de benestar e protección social que actúen no noso territorio, así como coas entidades de iniciativa social autorizadas que poidan complementar a nosa actuación. As asociacións constitúen un fenómeno solidario e político como tendencia natural das persoas e como instrumento de participación con respecto ao cal os poderes públicos non poden permanecer alleos.



Polo exposto en puntos anteriores, e no exercicio das competencias que lles son propias, ambas partes expresan o seu interese en establecer o presente convenio que se rexerá polas seguintes

CLÁUSULAS

PRIMEIRA.- OBXECTO.

O presente Convenio ten por obxecto a cesión de uso gratuíto de espazo a SARELA para ubicar un punto de información, asesoramento e espazo formativo dende o que se desenvolveran actividades dirixidas a persoas con discapacidade afectadas con dano cerebral adquirido (DCA). Así mesmo SARELA realizará, con carácter gratuíto, actividades de sensibilización con escolares dentro do seu ámbito de actuación.

SEGUNDA.- NORMATIVA.

- Lei Orgánica 1/1981, de 6 de abril, de Estatuto de Autonomía para Galicia.
- Lei Orgánica 16/1995, de 27 de decembro, de 1995 de Transferencia de Competencias á Comunidade Autónoma Galega.
- Lei 7/1985, do 2 de abril, reguladora das bases de réxime local.
- Lei 5/1997, do 22 de xullo, de Administración local de Galicia
- Lei 13/2008, do 3 de decembro, de Servizos Sociais de Galicia.
- Lei 39/2015, do 1 de outubro, do Procedemento Administrativo Común das Administracións Públicas.
- Lei 40/2015, do 1 de outubro, de Réxime Xurídico do Sector Público.
- Decreto 99/2012, do 16 de marzo, polo que regulan os servizos sociais comunitarios básicos e o seu financiamento.
- Real Decreto Legislativo 1/2013, do 29 de novembro, polo que se aproba o texto refundido de Lei Xeral de Dereitos das Persoas con Discapacidade e da súa inclusión social
- Real Decreto 1372/1986, do 13 de xuño, polo que se aproba o Regulamento de Bens das Entidades Locais.
- Real Decreto 1639/1996, de 5 de xullo, sobre traspaso de funcións e servizos da Administración do Estado á Comunidade Autónoma de Galicia en materia de asociacións.
- Real Decreto 1080/2008, do 30 de xuño, sobre ampliación de funcións da Administración do Estado traspasadas á Comunidade Autónoma de Galicia, en materia de asociacións: Declaración de utilidade pública das asociacións e aplicación dos beneficios fiscais.



TERCEIRA.- CONTIDO DO PROGRAMA E ACTUACIÓNS A



DESENVOLVER.

- Posta en marcha dun punto de información, asesoramento e espazo formativo. Dende este punto desenvolveranse as actividades vinculadas a SARELA dirixidas a persoas con discapacidade afectadas con dano cerebral adquirido (DCA). O punto en Lalín, como cabeceira de comarca, permitirá tamén cubrir o resto de concellos limítrofes en caso de estimarse procedente e previa sinatura de convenio de colaboración coas outras entidades locais.
- Educación Inclusiva: realización de actividades de sensibilización a fin de concienciar a poboación, en especial, as/aos menores de primaria e secundaria coa finalidade de achegar propostas educativas que contribúan ao desenvolvemento do ser humano dende o fomento de valores como a empatía, a solidariedade, a tolerancia e a aceptación das diferenzas individuais.

CUARTA.- OBRIGAS DE SARELA.

- Cumprimento das actividades descritas na cláusula anterior.
- Utilizar os espazos cedidos para os fins indicados e acordos coa misión da organización. A estes efectos comunicárase coa suficiente antelación ao Concello a programación dos servizos e demais actividades que se realicen, de cara a non interferir na programación do propio Concello.
- Dotar de medios persoais e materiais axeitados para cumprir cos fins da cesión e colaboración subscrita, e cumprir coa normativa laboral e de prevención de riscos laborais e demais normativa de aplicación ás actividades que se desenvolven nas citadas dependencias.
- Facilitar a actuación do persoal técnico do Concello no referente ao seguimento das actividades obxecto do convenio.
- Remitir aos servizos sociais comunitarios básicos informes de seguimento en relación ás persoas con expediente aberto en Servizos Sociais Comunitarios Básicos, en caso de que sexa requirido por estes, a efectos da intervención técnico profesional que asegure un correcto seguimento de cada caso.
- Conservar e usar diligentemente as dependencias cedidas, respondendo dos danos que poidan ocasionar os seus ocupantes, tendo a obrigas de comunicar ao Concello toda alteración, deterioro ou modificación producida ás mesmas á maior brevidade.
- Non realización de obras nin modificacións das dependencias cedidas.
- Facer constar en todo tipo de publicidade e información que se realice en desenvolvemento deste programa, a participación e colaboración co Concello de Lalín.
- Cumprir o Regulamento U.E. 2016/679 do Parlamento Europeo e do Consello do 27 de abril de 2016 relativo á protección das persoas físicas no que respecta ao tratamento de datos persoais e á libre circulación de estes datos, e a Lei Orgánica 3/2018, do 5 de decembro, de protección de





datos persoais e garantía dos dereitos dixitais.

QUINTA.- OBRIGAS DO CONCELLO DE LALÍN.

- Colaboración do persoal técnico do Concello con SARELA no desenvolvemento dos programas en caso de estimarse necesario. Serán as técnicas responsables da coordinación do convenio D^a. M^a Jesús Dablanca Pallares e D^a. Cristina Cufiarro Mosteiro.
- Derivación de persoas usuarias.
- Cesión de uso gratuíto de espazo, como máximo, unha mañá por mes en horario aproximado de 10.00h a 14.00h.
- Os gastos de suministros (internet, enerxía eléctrica e auga) que se puideran orixinar pola cesión de uso gratuíto de este espazo.

SEXTA.- NATUREZA.

Este Convenio ten unha natureza puramente de colaboración e integración social, polo que non se pode referir a este Convenio ningunha natureza laboral, mercantil, civil ou de calquera outra clase xurídica.

A subscrición do presente convenio non implicará relación laboral, ou de calquera outra natureza, entre as persoas ou profesionais que desenvolvan as accións que constitúen o obxecto deste convenio co Concello de Lalín, de tal xeito que, por este concepto, non se lle poderá esixir ao Concello responsabilidade algunha, nin directa nin subsidiaria.

Polo que SARELA obrígase a ter suficientemente cuberto, coas pólizas e seguros que foran precisos, ao persoal que realice estas tarefas de colaboración, sen que o Concello teña ningunha obriga ao respecto, nin de aboar cantidade algunha para cubrir calquera risco.

SÉTIMA.- FINANCIAMENTO.

Este convenio non comporta achegas económicas xa que o custo das actividades que se desenvolvan dentro do mesmo serán asumidas no marco dos recursos propios de cada entidade asinante, tanto no relativo a custos de infraestruturas como de recursos humanos.

OITAVA.- MODIFICACIÓN DO CONVENIO.

A modificación do convenio requirirá o acordo unánime das partes asinantes.

NOVENA.- COMISIÓN DE SEGUIMIENTO.

As partes poderán acordar a creación dunha Comisión Mixta de seguimento e control da execución do presente convenio, formada por representantes de cada unha das entidades asinantes.

Dita Comisión terá competencia, no seu caso, aos efectos de interpretación e control de execución do mesmo.





CONCELLO DE LALÍN
www.lalin.gal

DÉCIMA.- ENTRADA EN VIGOR E PRAZO DE VIXENCIA.

Este convenio entrará en vigor no momento da súa sinatura.

O prazo de duración do convenio será de catro anos a contar dende o día seguinte a súa sinatura. En calquera momento antes da finalización do prazo previsto, as partes asinantes poderán acordar a súa extinción.

UNDÉCIMA.- RESOLUCIÓN.

Son causas de resolución do presente convenio:

- O acordo unánime das partes asinantes.
- Incumprimento das obrigas e compromisos asumidos por parte de algún/algunha das asinantes.
- Por decisión xudicial declaratoria de nulidade do convenio.
- Por calquera outra causa distinta establecida na normativa en vigor.

DUODÉCIMA.- RÉXIME XURÍDICO.

O presente convenio ten carácter administrativo e as lagoas ou diverxencias que puideran apreciarse na aplicación do presente convenio interpretaranse e resolveranse motivadamente polo Concello de Lalín, previo ditame non vinculante da comisión á que fai referencia a cláusula novena. Contra estas resolución e polo carácter administrativo deste convenio, poderanse interpor os oportunos recursos contencioso – administrativos.

As cuestión litixiosas xurdidas da aplicación do presente Convenio, non resoltas en vía administrativa, serán resoltas pola Xurisdición Contencioso-Administrativa.

DÉCIMO TERCEIRA.- PROTECCIÓN DE DATOS PERSOAIS.

SARELA comprométese a cumprir o Regulamento U.E. 2016/679 do Parlamento Europeo e do Consello do 27 de abril de 2016 relativo á protección das persoas físicas no que respecta ao tratamento de datos persoais e á libre circulación de estes datos, a Lei Orgánica 3/2018, de 5 de decembro, de protección de datos persoais e garantía dos dereitos dixitais.

E, en proba de conformidade cos termos do convenio, as partes comparecentes asinan e rubrican por triplicado exemplar, no lugar e data indicados no encabezamento.

CONCELLO DE LALÍN

O Sr. Alcalde
José Crespo Iglesias



Asociación de Dano Cerebral de Compostela
(SARELA)

O Sr. Presidente
José Balboa Ayán



Concello de Lalín